

UPRAVNI ODBOR

Uspostavljen Zakonom o sistemu indirektnog oporezivanja
u Bosni i Hercegovini

U skladu sa članom 70. Zakona o porezu na dodatu vrijednost ("Službeni glasnik BiH", broj 9/05 i 35/05, a u vezi sa članom 14. stav 3. Zakona o sistemu indirektnog oporezivanja u Bosni i Hercegovini ("Službeni glasnik BiH, broj 44/03 i 52/04), Upravni odbor Uprave za indirektno oporezivanje na svojoj 83. sjednici održanoj dana 04.12.2007. godine donio je:

Pravilnik o dopunama Pravilnika o primjeni Zakona o porezu na dodatu vrijednost

Član 1.

U članu 35. Pravilnika o primjeni Zakona o porezu na dodatu vrijednost ("Službeni glasnik BiH", broj 93/05, 21/06, 60/06 i 06/07), u stavu 1. iza riječi "brokerske kuće" dodaju se riječi "registri hartija od vrijednosti".

U istom članu, iza stava 2. dodaju se stavovi 3. i 4. koji glase:

"(3) Porezno oslobađanje iz člana 25. tačka 4. pod d) Zakona odnose se i na sve usluge koje pružaju registri hartija od vrijednosti u skladu sa propisima o hartijama o vrijednosti. Pod uvjetima čuvanja vrijednosnih papira iz člana 25. tačka 4. pod d) Zakona podrazumijevaju se kastodi, odnosno skrbnički poslovi sa hartijama od vrijednosti, koje pružaju ovlaštena lica u skladu sa propisima o hartijama od vrijednosti.

(4) Porezno oslobađanje iz člana 25. tačka 4. pod e) Zakona odnosi se i na poslove depozitara investicionog fonda".

Član 2.

Ovaj Pravilnik stupa na snagu 8 dana od dana objavljivanja u "Službenom glasniku BiH".

Broj:18-13-108/07

Datum:11.12.2007.

Predsjednik Upravnog odbora

Peter Nicholl